

蜀域攷古鋪



蜀域殘古鋪



蜀道難行

越山

大興朱英

一九九一年二月江蘇廣

陵古籍刻印社據道光

刊本影印

西域考古錄序

余好讀地理書由域中以及域外讀書愈多蓄疑亦愈多偶以語人閒出論著相質口囁嚅而目笑閱未半已欠伸欲睡矣夫吾人有所撰述理在倫常近在耳目有一人焉各出心得相視莫逆憂乎難哉况所言在千萬里之外山川悠遠物產恢詭驗之今則舟車所不至證之古又書籍所不悉欲有人焉相與糾謬訂訛賞奇析疑此余生平庶幾幸遇之亦余畢生終恐未必遇之也乙巳夏來厯下始得定交於俞四香先生先生浙西名

宿博文富學地理其緒餘耳不鄙余孤陋時相過從互  
觀未見之書共證異同之見凡余所疑皆剖決而辨明  
之余有愚人之得亦樂芻蕘之采焉向所謂出其心得  
相視莫逆者今乃得之於先生余方有八紘存考續山  
東考古錄之役先生皆爲序之先生有西域考古錄之  
作亦問序於余余不能文曷足以序先生書雖然西域  
大勢則嘗論之姑以質之先生可乎西域者三代前曾  
通中國之地禹貢曰崑崙析支渠搜西戎卽敘今新疆  
南路爲崑崙北路爲渠搜

涼土異物志渠搜在大宛北

青海藏衛卽

析支焉其時虞帝致西母之朝

爾雅瓠竹北戶曰下西王母謂之四荒則西王

母乃國名其國在流沙外依崑崙即今新疆南路之一國耳外國名無正字字無正音後人神奇其說因一母字紛紛附會拘墟者又謂並無此國皆非也大禹至三危之國

三危即今西藏非山也見

仁皇帝御製文集呂氏

是以嶰竹取於黃帝

漢書律曆志黃

春秋云禹至三危之國

帝使佺倫自大夏之西

茲白貢於成周

汲冢周書王會解大夏貢茲白

崑崙之陰取竹嶰谷

牛用知三代前之西戎雖未列玉帛於塗山固已通筐

篚於積石矣後王德薄不能及遠周末及秦戎狄內侵

隔絕王略漢武開河西四郡而西域復通然而樓蘭之

頭雖懸漢闕單于之使不隔龍堆西域畏匈奴猶之畏

漢則北狄未賓未有能保西域者也唐代服鐵勒滅突厥安西北庭皆同編戶然而吐蕃倔强直逾河湟石堡之功雖奇四鎮之淪相繼則諸氏羗未服亦未有能保西域者也有元起自和林盡乎西域特斃思畏兀旣不知郡縣而法唐益離伊犁幹端和闐復不知衆建以法漢阿母河雖設行省烏斯藏僅屬羈縻旣措置之失宜終鞭長而莫及再傳之後叛亂相尋固其宜矣我

仁皇北殄噶爾丹南收圖白特我

憲皇北驅厄魯特屯田列姑師之地南平羅卜藏闡土

盡退渾之疆是時羌胡臣妾西域孤危策妄達瓦以餘孽遊魂世濟其惡我

純皇承時應運一舉盪平北路設府廳州縣復唐之舊南路亦仿四鎮之制諸城設大臣鎮撫之伊犁駐將軍統轄南北遙與漠北定邊將軍相犄角西寧西藏各駐大臣如都護之設矣蓋監百王之良法成無外之宏規恭讀

皇興樂府二十六章

兩京二十四省

殿以西域西藏合中外而

大一統皇古以來所未有也雖然

朝廷視之儼同內

西華志卷之五  
服其沿革風俗疆域山川言者旣茫昧而無從聞者仍  
倘悅而莫信隋有裴矩唐有賈耽尚能著書繪圖以傳  
於後況

聖朝開疆立法邁乎隋唐萬萬非勒成一書以詔後世  
何以昭

神武而播

皇猷也乎近世遊西域者不乏撰述求其上自漢開四  
郡下迄本朝合崑崙析支渠搜之地縷析條分燦然  
大備者是編外未之覩也先生曰子之言頗得西域之

要領亦卽是編之綱領也子所謂出所心得相視莫逆者其在斯乎書以敘吾書可也余曰諾

道光二十八年冬十月中浣滄州葉圭綬拜手謹序

Table with 10 vertical columns and 10 horizontal rows. The text is extremely faint and illegible, appearing as light gray marks on a white background.

西域考古錄序

俞君茂才浩與予同里客久於齊著書自娛稷下古著  
書地乃鄒衍大瀛海多不經語君著西域錄爲有用書  
觀其開首三四卷如蘭涼甘肅西寧以內地而曰西域  
謂四郡置自漢武卽武威酒泉敦煌張掖與玉莽所置  
之西海在漢以前亦係月氏烏孫及匈奴之地在今日  
則五郡爲西域根本守西域必守五郡守五郡卽所以  
守西域而知著書之意爲重邊防非矜博識孫子有言  
知彼知己百戰不殆不知彼爲五將失道李陵以敗知

彼爲他道屬度班超以勝漢世張騫而後繼以班超皆能窮臨西海備其風土傳其珍怪於是西域五十餘國納質內屬故考古當自漢始魏晉六朝史雖有傳不皆通道李唐征服爲國無多五代及宋莫勤遠畧附錄與傳僅據傳聞至於有元而漢唐以來相傳之國并兼殆盡明永樂中鄭和以舟師入海所歷之國備載明史本朝則蕩平準部勘定回疆綏服西屬國通道俄羅斯有

欽定西域圖志五十卷其軼乃時時見於他說而域諸

國二千年來遞興遞滅泥古證今時務以失故自書史  
外又必旁搜夫近代諸家之著述顧籍籍云云采摭成  
書不有斷制何殊鈔胥方言連蹇譯瘠且聲音轉字異  
於誰適從羣言淆亂自我折衷穿鑿貽誤有罪無功此  
錄則於地名有誤雖水經注一統志元史亦刊其謬道  
里無差雖說部如西游記亦取其長遍該細素實事求  
是於是邊塞之險要疆域之沿革今昔之形勢攻守之  
難易縷析條分瞭如指掌采伐其中則地無遁形敵無  
遁情守能得地戰不失利唐賈耽表獻四夷述云伏波

聚米開示衆軍鄧侯圖書方知阨塞此物此志也丁未  
春三月知東昌府事同里朱錦琮序

西域考古錄自序

學士大夫生際夷途幸以文學高等策名承明之廬優  
游玉堂廻翔石渠縱觀先代之籍伏讀中秘之書測地  
輿之至蹟仰天章之煥乎出其聰明通其志氣鉤稽於  
盟府狄鞮考索於山川形勢比事屬辭以成一家之文  
字豈非當世奇作爲通人所不棄者哉浩伏處草莽禱  
昧寡聞有志述作慙非其倫竊見國家聖武神功追蹤  
軒義

高宗皇帝奮戡亂莖戎撻伐之天威平和卓而殪準夷